




NE PAUL YEHSKOHYAHTONNY

NE ROMANHAHKA,

KANYENKEHAKA KAWONNONDAHKON.

NE NEH AHSEH

DESKAWENNATENNYON.

TRANSLATED BY

A. MARTIN, ESQ.

EXPOSITOR STEAM PRINTING HOUSE.

1879.

EPISTLE TO THE

ROMANS.

CHAPTER I.

PAUL raonhatsera ne Jesus Christ, karonyenharon Apostle, ne karahgwahaten jinonka ne Niyoh ra-o-rihwadogenty,

2 (Ne ne o-hendonh thorharaston neh rohton ne raongweda yehadirihwakens eh-i-wah kak-yadonseradogentigeh.)

3 Ne aorihwageh ne Royen-ah Jesus Christ Shongwayaner, eh rodonny jirawajiradeh ne David tyoyanenihha ne oh-wahron-neh ;

4 Neony raodahsyonh ji nene Niyoh Royen-ah ikene ne kashatstensera, tyoyanenihha ne kanigonrah ne kayadadogentitsera, ji shonatketsgwen ne kenheyatneh

5 Neony raonhageh yongwayen-aonh ne kentenrat neony radirihwenhahs, a-o-rihwa n'adewennarakwentsera jinonka ne dewehdahgon ra-o-dinenragonh nagwagongh ne rononwenjatennyon, a-o-rihwa ne ra-o-sennah :

6 Ne ra-o-dinenragon jonha ony detshisewenhnongon ne Jesus Christ :

7 Jonhageh agwegon ne etho Rome, ehtshisewanoronkwa ne Niyoh, karonyenharon rodiyadadogentiogen ; Kentenrat ne jonhageh neony skennon tyoyendahgwen Niyohne ehtshidewanihha neony ne Royaner Jesus Christ.

8 Tyotyeronton, Iih wathinonwerahton ne ake-Niyoh ra-o-rih-honnyat ne Jesus Christ ne yesewagwegon sewarihwageh, thoiken ne sewehdahgwentsera yoderihhewanahton deyaonwenjawerhonh.

9 Iken Niyoh ak-witness, neh riyodenseh ne agenigonragon ra-o-rihwadogentikeh ne Royen-ah, yah dekahtgawas ongwanaonh nagwaderennayentseragon :

10 Kerihwanonton, nonwa nen a-ondonh jinitanonwehs ne Niyoh a-ondageh ne jonhageh.

11 Iken dewagadonwenjony nagwahlken ne jonha, ne kady ne a-agyon ne othenon ne kanigonra nihtyotyeratonh a-dadawy, ne a-e-senniyadahnniratsteh ne jonha ;

12 Newahhony, nene enskatne a-yongyonwehsahteh sewanenragon ne jonha, a-o-rihhonnyat jityongwehdahgon dejaron n'is neony Iih.

13 Nonwa yah dehkerheh ne yah tha-e-se-waderyendarakeh dewadadekenogon-ah, ne ne yotkahte ikereh a-ondageh ne jonhageh, (nok yah tewadons jiniyore nonwa,) ne kady n'akyenah otyake ne yeyohyaniyendeh ne sewanenragon ony, ji ony niyught raodinenragon ne thihadihte Gentiles.

14 Iih yonkkarodanyh dejaronh

* ne Greeks neony thihononwenjateh, dejaronh ne rontdokha ony ne yahdehontdokha.

15 Jinigon ne Iihne kayondahkwen, wakeweyennendaonh ne enkaderihwanohton Norihwado-kenty ne jonhageh ony ne Rome-ne.

16 Ikenh yahdekadehhens jinonka ne orihwadokkenty : Iken nese ne Niyoh raoshatsensera jinonka ne ka-yahdanonstatsera jiniyadeyagon ne tyagawehdahgon, Jews-haga tyotyerendon nok ony ne Greek :

17 Iken Niyoh ra-o-derihwag-warihsyontsera ehnonwe nyoderihhodahsyon dewehdahkontseragon jinonka ne dewehdahgwen : jiniyoht jikahyahton, ne thorih-wayery dewehdahkontserahgon jienhronhegeh.

18 I ken etho yododahsyon ne ra-o-nakwensera ne Niyoh karonhyagonhtyoyendahkwen jinonka nagwewon nyadeyakorihwiyoston neony ne yah deyoderihwag-warihsyon nongwehgonke, ne ehdageh ro-nonny ne togensketsera jinonka ne yahdeyoderihwagwarihsyon.

19 Ne wahhonny jinahotonh ne a-yagoderyendarane ne Niyohne okthiyotgwathon ne rononhageh ; Iken Niyoh shagonadonny ne rononha.

20 Iken jinahotenshon ne yah-teyokent ne ra-o-wenk eh tyodahsawen shahahsah ne jiyonwenjateh yokent ne ayontkatho, ne enyondeh ji enyagonikonrayendane jinahoten ne kahson, ne shakat jiniyenhenweh ra-o-shats-tensera neony ji Niyoh ikenh :

ne katy wahonny yah tehodiyenh ne ahadiriwharahkweh ;

21 Neh wahhonny jironwayendery ne Niyoh yah tehonwayonwehsahton ji nene Niyoh neteas ne dah-honatennonhwerahhtonkeh : nok wahhadiyahdahtonh ne ra-o-nennontomnyontseragon, neony ne ra-o-neryaneh, yah dewah kanigonhrayendatsera, tyokaraonh :

22 Ronadodahsyon nahont-dokhageh ne ronadonh ne rodideh, 23 Neony wathaditehny ne raonwesentsera ne yah thadaontehny Niyoh neh deskyatyeron ne wahetkens rongweh, neony jihtenogon-ah, neony kayery nahdegontishinonteh karyo-o-kon, neony kondesereseh.

24 Newahhonny ne Niyoh washakotgaweh ony ne rononha, jinonka ne deyojonden-nyon a-orwa ne jiniyohnoshen ne raoneryaneh, nonhondehhadeh ne ra-o-diyeronda-o-gon ok rononha thadinyenhogenseron

25 Eh wathaditennyatoh ne Niyoh ra-o-tokensketsera jinonka nonowenh, neony ron-nitendahse neony radiyotenseh ne kayadis-sonh senha jiniyuht ne Shakoyadissonh nene rodaskats jiniyenhenweh, Amen.

26 Ne ne ken tyoriwa ne Niyoh ji washagotkaweh jinonka nyodaditenrat jiyonoshat : iken shegon ony ne ra-o-nathonwisentsera watkonditeny jiniyoht jikahsahtahton yothaharagwen jiniyoht jishaoyerah :

27 Neony ok ne shakat ony ne ronongweh, wahhonahty ji shao-yerah yoderih-honteh ne yon-

gweh, ra-o-dinoshatserahgon ron-
atyadatshonh thadinyenhogen-
seronh: ronongweh ok ne ne
shadehonnongweh rodiyohteh ne
yodehhat, neony rodiyenahatyeh
thoikenh a-o-karyaksera ne ra-o-
diyahdahtontsera dekenineron-
ston.

28 Neony ji yah dehhodinon-
weonh nahonwatyenawastonh
Niyoh ne ra-o-naderyendaratser-
agon, Niyoh washagotkaweh ji-
nonka nyadeshodiyen ne kaya-
dorehtatseriyo. ne eh nenhadi-
yereh jinahotenhshon ne yah
deyotkonnyust.

29 Ne kananonh agwegonh ne
yah deyoderihwa - gwarihsyon,
wahetkonogonh, ronaskenhash-
seh, wahetken nishagonatyerah-
seh; kananonh kanosha-onh,
yondenryos, dehonderihhodarhos,
radinigorhatha, wahhetgon ro-
dirihhondahkwen; dehhadijah-
honhs,

30 Shagodihsennakshatha, ron-
wahswens ne Niyoh, rodikenh-
rahdanitskwen, radinayeh, rona-
datharadahtonh, radihsa-ahs ne
wahetkon jinahotenshon, ronde-
wennontyehs jinonka ne ronwa-
diyen-ah,

21 Yah dehodiyen kanigonh-
rayendatsera, yah dehhodirih-
wadoken, yah dethonatennon-
wakten, yah dehonnennittenrehs-
gwen:

32 Ronaderyendareh ne yo-
derihwagwarihsyon ra-o-jenhay-
entsera ne Niyoh, ne ne rononha
ne ehnikontyerha keniken naho-
tenshon. enhodira neh ne ken-
heyonk, yah ne ok dehkwen ne
ehnihodiyeronhatyeh, nok ony

roneryendiyohs ne akoronh ony
ehnihodiyeronhatyeh.

CHAPTER II.

1 Ne wahhonny yahhothenon
thaserihwarahgweh, O rongweh,
onkakiok niseh ne tehsheyador-
etha, iken ji nahhoten wahtet-
syadorehdagweh ne thihadeh,
iseh wahsadatawendehte; iken
i-se ne dehsyadoretha ok ne
shakat jinisatyerha.

2 Nok yonkwaderyendareh ne
ra-o-jenhayentsera ne Niyoh tyo-
yanenja ne togensketsera, ne
rononhageh ne eh-nihhontyerha
tho-iken nahhotenshon.

3 Neony ih-sereh ken keniken.
O rongwe, ne tensheyadorehte
ne ehnikontyerannyons, neony
ne shagat oh-niseh jinonsyereh,
enseh-senyakonneh ken ne ra-o-
jenhayentsera ne Niyoh?

4 Netens ensakenhraten nat-
shogowatsera ji nihhoyanere,
neony ji rodahkatsdaton, neony
raonigonkatstensera; yah desa-
teryendareh ne seh ji nihhoyan-
ereh ne Niyoh sasharihneh ne a-
onsasadatrehwateh?

5 Nok ne tyoyanenja ji nisa-
hniron neony yah desewatatre-
watha seryaneh, satye nihon-
hatyeh ne kanakwensera, jinon-
niwehnis-seradeh ne kanakwen-
sera neony enwadodahsy ne yod-
erihwakwarihsyon ra-o-jenhay-
entsera ne Niyoh;

6 Enshagorihwaserakwen ni-
yadeyongwedageh ne entyoyan-
enjaweh ne ra-o-di-yohtensera;

7 Neh rononhageh ne kanigon-
katstenseragon yoyanereh ji ni-
hontyerha ronnehshaks onwesent-

sera neony yotkonnyust neony nya-tha-on-hetkenneh, jiniyen-henwe yonheh :

8 Nok ne rononha ne dehond-derihhodarhos, neony yah dehondewennarakwa jinonka ne tokensketsera, nok radiwennarakwen ne yah teyoderihwagwariksyon, yodah-gwaswat neony Kanakwensera,

9 Karonyakensera neony yoronyakent enkarane jiniyah-dewonhetsera-geh ne rongweh ne royohteh ne wahetken Jewshaga tyotye-rondonh, neony ne Greek :

10 Nok onwe-sentsera neony yot-konnyenst neony kayaneren ji-niyahdeyongwedageh ne yoyanereh rodiyohdeh, Jews-laga tyotye-rontonh, neony ne Greek :

11 I ken ne Niyoh yah ne thandahayanenhaweh ji niyeyadoten ne ongweh,

12 Iken jinikon ne rodarihwaneron ne yah dehodihyen ne law enhontkaronny ony jinonka ne yah ne law ; neony jinigonh ne rodarihwaneron onah-kon ne law neh ki ne law neh ten hoyadorehte ;

13 (Iken yah ne rondahonsadats ne law dethodirihwayeri ra-o-henton ne Niyoh, nok ne neh ehnihhodiyeron jiniyoht ne law ne enshonaderihwagwarihsyah-ton ra-o-henton ne Niyoh.

14 Iken neonenh ne Gentiles, ne yah dehodiyen ne law, ent kayendaghweh ji sha-o-yerah eh nonhadiyereh ji na hotenshon ne law, keniken yah dehodihyen ne law, ne ki law ikenh ne rononhageh ;

15 Ne rono-dahsyon ne a-o-

yotensera ne law eh kahyahton ra-o-neryaneshon, ne ji yehontokatha ony karihwanirats, neony ra-o-nonntonnyontsera karihwaretsha kentenshayen radihrihwarahkwanyon thadihnyenhookenseron :)

16 Ji enwehniseradekah ne onenh ne Niyoh enhajenhayen ji yodahsehtannyon ne ongweh-ogonke raonhageh ne Jesus Christ tyoyanenha ne agwawen watro-ryaseriyoh.

17 Nok tohga ne sadenabtongwen ne Jew, neony ehsadorishon onahkon ne law, neony enhsadatontonnyahton ne Niyoline,

18 Neony saderyendareh ji nithanonwes, neony serihwanirats ji nahotenshonh ne senha yoyanereh, eh saweyendehtaonh tyoyendakhwen jinonka ne law ;

19 Neony sadewenodakhwen ji ise sheyahsharineh ne deyeronwehgon, ne kaswathetshera ne rononhageh nahsadagonh,

20 Ne yetshirihhonnyenny ne rodihteh, yetshirihhonnyenny ne niyahahsah, Sennihhaweh ji Kayanahton naderyendaratsera neony ne tokensketsera ne onahkon ne law.

21 Ise kady nentsherihhonyon ne thi-hateh, yah keh niseh thasadaderihhonyon ? iseh nentshaderihwahnotonseh ne rongwe tohsa a-hanonsko ensenonsko ken nise ?

22 Ise ne sahton dohsa kanakwa serihwanerak, kanakwa ken nise enserihwanerakeh ? iseh ne itswens ne kayadonnih-o-gon, washetkenteh ken yoyahdado-genty ji nahhotenshon ?

23 Ise ne ehsadatharadaton onakon ne law, yensahty ken nya-deyotkonnyust ne Niyohne a-o-rihwa ji tehsyaks ne law ?

24 Iken ne ra-o-senna ne Niyoh vatshawen noryaton ra-o-dinen-agon ne Gentiles ise sewarihwa ji kiniyoht ji, kahyahton.

25 Iken yontyeronnitstha tokenske yotonrahtak dohga ensathawah ne law : nok tohga dehsyaks ne law, ji satyeronnitston neh on-tonh ne yeh tesatyeronitston.

26 Ne wahhonny tohga ne yah tehotyeron-nitston enhathawah ji yorihwatatyeh ne law, yah ken ne ji yah dehotyeron-nitston ne tha-ondaratsteh ne rotyeron-nitston ?

27 Neony ji sha-o-yerah yah dehonatyeron-nitston, tohga enhanahneh ne law thadahyayah-dorehte nisah, ne ne aorihwa ne kahyatongwah neony ji satyeronnitston dehsyaks ne law ?

28 Iken yah raonha dehken ne Jew ne neok natsteh nonka ; netensthoiken nyontyeronnitstha ne ne atsteh nonka : netens thoiken nyontyeronnitstha ne ne atsteh nonka o-wahronneh ;

29 Nok raonha ne Jew ne ne enskat nonakontseragon ; neony yontyeronnitstha ne akawery-aneh, kanihonragon, yah ne kahyadonghwa ; ne ne ra-o-dinentantsera yah ongwehogonkeh dehken, nok Niyoh-ne.

CHAPTER III.

NAHOTENH kady ji senha eneken ne Jew ? netens

nahhoten adonrahdak ne yontyeronnitstha :

2 Ehso ji ok nonka : tyotyeranton orihwiyoh, thoiken rononhageh watkawen ne Niyoh ra-orihwaokon.

3 Iken ohna-nahoten tohga otyageh yadhethonehdahkon ? ne ken ji yah dethonehdahkon ne ken enyonnyateh ji nihborihwadoken ne Niyoh yah othenon thayorihhondaneh ?

4 Tohsa ehnyawenneh : nok kinyoh Niyoh tokenskeh kenbak, nok niyahdeyongwedakeh onowenh ; tyoyanenha jiniyoht ji kahyahton, ne kahdy eh ensaderihwakwarihsy. ten jinonka ne sawonnaokon, neony en-sadenshenny ne onen enyesate-nyen-ton.

5 Nok toka ne ongwawenkn nya-deyo-derihwa-kwarihsyon enkarihwahniradeh ne Niyoh ra-oderihwagwarihsyontsera ? nenken ne Niyoh yah dehoderihwakwarihsyon nerrodahsy ne ra-onakwenserah ? (Wakadady ji niyoht ne rongweh)

6 Tohsa eh nayawenneh : iken nen ne ohnayawenneh nahhajenhayen ne ji yonwenjadeh ?

7 Iken dohga ne ra-o-to kensketsera ne Niyoh, a-o-rihhonnyat nake-nowendah senha ontkadateh jinonka ne ra-onwesentsera ohniyotyeron ji sheyon ne denyonkyadorehda-gweh jiniyoht ne rorihwaneraaksgwen ?

8 Neony ohniyotyeron ne yah (jiniyoht ji yoka-rewaht yonkhiyatrory, neony ji otyakeh rondonh yakwadonh,) wahhetken ni-dewattyer, ne kady ne yoyanereh

a-o-daweh ? ne nera-o-nadewen-tetesera ne ok ne yoderihwakwarisyon.

9 Nahhoten kady ? senha ken yonkwayanereh ji Niyoh ne rononha ? yahten, yah-othennon : iken oh-andonh orihwiyoh tyonk-yonny dejaron Jews-haka neony Gentiles ji agwekon eh rodiah-daraonh ji karihwaneron ;

10 Jinioht ji Kahyahton, yah onka deyakoderihwakwarisyon, yahten, yah enskat :

11 Yah onkah thiyehonigon-rayendahs, yah onkah dehonwadihsaks ne Niyoh.

12 Agwekon ronathaharakwen, ok enskat yehonatonh yah othenonh thiyadejorihhonteh ; yah onkah yoyanereh dehontyerha, yahten, yah enskat.

13 Ji rodinyadakaronteh nene yodonhotonkwen jiyondatya-dada-astha : kanihgongrhatonh ji rontstah ne ronennahsakeh : ne a-o-wenk ji yotkon ne onyareh eh iwah radiskwendageh :

14 Jiradihsagaronteh ne kan-anonh ne rondewendehtha neony yotskarahtennyon :

15 Ronsikeh neh deyohka nah-hadihnekwensaweron :

16 Atkaronnyatsera neony yodaditenrat ji rodihhatennyon :

17 Neony ji yohahdeh ne sken-onh yah dehonaderyendareh :

18 Yah dehonwatshanihseh ne Niyoh ohendon ne radikahdegeh.

19 Nonwa yongwaderyendareh tho-iken ji nahodenshon wahtonh ne law, ne ki yeyothare rononhageh netho onahkon ne law : ne kady ne agwekon ji radihsakarondeh enkanhodongeh, neony

agwekon ne ji yonwenjadeh eh-yenyodahtenreh onahkon ne ra-o-jenhayentserakon ne Niyoh.

20 Ne waihony na-o-yotenseraakon ne law yah othao-wahrohton eh tha-onsay-derihwagwarisyonh ne ra-o-hendonh : iken eh entkayendagweh jinonka ne law naderyendaratsera ne darihwaneren.

21 Nok nonwa Niyoh ra-oderihwakwarisyontera yododahsyon jinonka ne yah kaneka ne law, neh witness iken ne law neony yehadiriwahkens ;

22 Ne shakat ne Niyoh ra-oderihwakwarisyontera a-o-rihhonnyat ne dewehdahkon ne Jesus Christ ji nonka nok yewagwekon neony kahhereh rononhakeh agwekon ne thonehdahkon : iken yah othenon thadekyatdih-hen :

23 Iken agwekon rodirihwane-ren, neony tyonkwanoronseh ne raonwehsentsera ne Niyoh ;

24 Jonkwaderihwagwarisyonny a-o-rihhonnyat ne ra-o-ter-rat tyoyendagwen ne atneron-syatsera ne Christ Jesus-tse-rahkon :

25 Raonhageh Niyoh eh roket-shwen *Shakotenrah dak-wah a-o-rihhonnyat dewehdahkon ne raonekwensa, ji ra-o-dahsyon ne ra-o-derihwagwarisyontera ji rodohetsdahkon ne karihwanera-akseraakon ne nen tyodohetston a-o-rihhonnyat ne ji ronihkonk-atsteh ne Niyoh ;

26 Ne a-shakonadonhase ne ra-o-derihwakwarisyontera ne ken wathawy : ne kahdy waih-onny roderihwakwarisyon, ne-

ony sheshakorikwagwarihsya-tonny ne raonkake ne thawehdahkon ne Jesus,

27 Kah kahdy ji non naye-on-datharadateh? kayahdohdarhon. Kah kady ne law? kayotensera-o-kon ken? yahten: nok entkay-endahkweh ji yorihwadatyeh ne dewehdahkon.

28 Ne wahhony ne wa-agwar-atsteh ronkwe enshoderihwak-warihsyahton dewehdahkontserakon, ne yah kaneka ne kayoh-tensera-o-kon ji nonka ne law.

29 Jews-hakageh ok ken Niyoh, iken? yah ken ne ne Gentiles? henh, Gentiles ony:

30 Weh dewatkathoji enskaok ne Niyoh, enshorihwagwarihsya-ten ne rotyeronnitston dewehdahkontseragon, neony ne yah de-hotyeronnitsten a-o-rihhonnyat ne dewehdahkon,

31 Nen kady kenh ne entyon-nyateh ne yah othenon ne law a-o-rihwane dewehdahkon? tohsa ehnyawen-neh: henh, enyakwayah dahni-radeh ne ahtyawenratserah.

* Ne shakawennah ne Hebrews IX. 5 Tkayahton 'mercy-seat.'

CHAPTER IV.

NA-HOTEN kady endewen-ron thoiken Abraham etshid-ewahnihha tyoyanenha ne oh-wahronne rotshenryon?

2 Iken dohga ne Abraham a-onsahoderihwakwarihsyatony a.o-rihwa ne kayotensera, royen ki ji dahaderensaron: nok yah ki ne ra-ohenton ne Niyoh.

3 Iken nahhoten wahton ne kahyatonsera dokenty? Abraham dahhawehdakweh ne Niyoh, neony ne ondahrattsteh ne raonhageh naderihwakwarihsyontsera.

4 Nonwa ne raonhageh ne royohteh, ji enhadonrahdahgwe yah ne thaondahrattste ne kent-enrat, nok waokarohdaneh:

5 Nok raonhageh ne yah thahoyohton, nok thawehdahhon ne raonhageh ne sheshakorihwak-warihsyahtonny ne yah deyako-yanereh, rawehdahkontsera ne ondarattsteh ne aderihwakwarihsyontsera.

6 Ji niyoht ony ne David rot-rory ji nihhodaskats ne ronkwe ne Niyoh enhahrattsteh ne raonhageh naderihwakwarihsyontsera ne yah kanegah ne kayo-denseraogon,

7 Ronadaskats ne ra o-dihrih-wanera-akshera shonwadirihwi-yostenny, ra o-dirihwanera-aksheraokon karhoron.

8 Rodaskats ne rongwe ne Niyoh yah thaharatsteh karih-waneren ne raonhageh.

9 Keniken kayadaderitsera ne ok ken jinonka ne ronatyeron-nitston, kaddonh ony ji nonka ne yah dehonatyeronnitston? Iken yakwadon dewehdahkon ne yodahrattston raonhageh ne Abraham naderihwakwarihsyontsera.

10 Kah kady nenweh ji ne yodahrattston? ji ken nenwehne nen shihotyeronnitston, kaddonh ji nenweh ne yah dehhotyeron-nitston? yah ne ji rotyeronnit-ton, nok jinonka ne arekho shi-hotyeronnitston.

11 Neony wahhayena ne wehnesdahkon ne yontyeronnitstha karihwahnuhratsera ne a-derihwakwarihsyontsera ne dewehdahkon royenh ne arekho shihotyeronnitston : ne kady enken hagehraonha shakoyen-o kon-agwekon ne tyakawehdahkon etho sanel yah dehonatyeronnitston ne kahdy naderihwakwarihsyontsera aondaratsteh ony nenne nerononhakeh :

12 Neony raniha jinonka ne ronatyeronnitston, nok rononha ony ne eh ronahentyon ji niyeha wennon dewehdahkontserakon ne arekho shihotyeronnitston ne etshidewaniha Abraham.

13 Iken yah eh tetyoyendahkwen jinonka ne law ne karharatsera ronwahwy ne Abraham netens ne ra-o-nenh ji ne enkenhageh ne raonha ne rayadakweniyo ji yonwenjadeh, nok a-orihhonnyat naderihwakwarihsyontsera ne dewehdahkon.

14 Iken dohga rononha ne ehradiyahdarehkwen jinonka ne law ne enhadiyadakweniyokeh, dewehdahkon ne ontonh ne yah othenon neony ne karharatsera yah othenon thayorihhondaneh :

15 Iken ne lawenyoyoton kanakwensera ; nok ji nonweh ne yah ne law yah ki ony ne sewa-derihwadewahton.

16 Ne kady a-o-rihwa dewehdahkontserakon, ne kahdy enkenhageh tyoyanenha ne kentenrat, ne kahdy ne orihwiyoh enkenhageh ne karharatsera jinonka ne ok yevagwekon ne kanen ; yah ne ok dehken ne rononha jinonka ne law, nok ki ony jin-

onka ne ji wahdeh ne Abraham rawehdahkontsera : raonha etshidewaniha ne o'kyedewakwewon,

17 (Tyoyanenha ji kahyahton, Iih neh wakonyonny niseh ne rahniha ne ehseh rononwenjakeh) ra-o-henton ne Niyoh thawehdahkon, raonka ne se shakaonhets ne yakawenheyon, neony wahhanahton-kwe thoiken ji nahotenshon ne yah ethenon jiniyoht neakayahdondakeh.

18 Raonha ne a-o-henton ne karharatsera dahrehdahkweh karharatserakon ji ne enhatonh ne rahniha ne ehso rononwenjakeh, neh tyoyanenha ji nahhoten ne wadahty, eh nonyawenneh jinonka ne sawenk ne kahnen.

19 Neony yah dehhoyadanet-skha jinonka ne dewehdahkon, yah dehaweron ne ra-o-yerondah nen kaweyennondaon yawenheyon onen enskat dewennyaweh niyohserakeh ji nthoyen, netens ony ji yahwenheyon ne Sarah a-o-dewirada.

20 Neony yah dehonisko-on jinonka ne Niyoh raorharatsera a-o-riwa ne yah thaondahawehdahkon, nok royahdahniron dewehdahkontserahkon, wahhaonwehsahteh ne Niyoh ;

21 Neony orihwiyo rodonsen thoiken ji nahhoten ne wahharahratssteh rokwenyenen ki ony ne ehnenhayereh.

22 Neh tyorihwa ony ne yodahratsston ne raonhageh naderihwagwarihsyontsera.

23 Nonwa yah ne ok dekahyahdonkwen ne yahdehayahty

1 a-riwa, ji ne yohdahratston ne raonhakeh ;

24 Nok onkyonhageh ony, ji knwahratstonha-geh, ne entyon-ewedkaonhageh ne raonhakeh ne shoketskwen ne Jesus Shongwayaner ji nonka ne kenheyatneh ;

25 Ne yehhotkawahton jinonka nonkyonha onkwahitseraakon, neony shoketskwen ony ji nonka ne onkwaderihwakwarihsyatsera

CHAPTER V.

NE kady a-o-riwa jongwaderihwakwarihsyattonny a-orihhonnyat ne dewehdahkon, yon kwayen ne skennon ne Niyohne ra-o-rihhonnyat Shonkwayaner Jesus Christ :

2 Raonhageh ony ji yonkwadonhodonkwenny a-o-riwa ne dewehdahkon keniken kentenrat ne jinonweh nadeyonkwadaonh, neony yongwadonhahereh karharatserakon ne raonwesentsera ne Niyoh.

3 Neony yah neok dehken, nok endewanenton ony ne nen karonyakenseragon, yongwaderyendareh ne karonyakensera enyoyoten kahnigonkatstensera :

4 Neony kanigonkatstensera, kaweyendehdatsera, neony kaweyendedatsera, karharatsera :

5 Neony karharatsera yah ne thayonny ne a-edewadehkon ; ne wahhonny ne ra-o-noronkwatsera ne Niyoh Ronikonriyoston thoweronthon ongweryaneshon ne ne deshongwahwy nonkyonha.

6 Iken yahshiyonkwashatstenserayen shekon, yah kaheweh ji wathahwy Christ

washakawenheyaseh ne ne yah deyakoyanereh.

7 Iken otskeronke ne ne ra-orihwahke ne roderihwagwarihsyon ne onkaok a-hawenheyaseh : nok ki ne raorihwakeh ne ronkwedihiyoh tohga nonwa onkaok a-hakwenny nahawenheyaseh,

8 Nok Niyoh ehnhithodahton ne ra-o-noronkwatsera ne onkyonhageh, ne keniken shekon shiyonkwarihwaneraakskwen, Christ washonkwenheyaseh.

9 Ehso senha kahdy, nonwa nen jonkwaderihwagwarihsyatenny a-o-riwa ne ra-o-nekwensa Raonha enseshonkwayahdakoh jinonka ne kanakwenseraakon.

10 Iken dohka, etshidewaswens, sayonkwaderihwahseronnyon ji nonka ne Niyohne a-orihhonnyat ne rawenheyat ne Royen-ah, ehso senha kahdy, ji nen jonkwaderihwahseronnyenny, neh enjonkwayahdakwadeh a-o-rihhonnyat ji Ronhe.

11 Neony yah neok dehken, nok endewanenton ne Niyoh-tserahkon, ra-o-rihhonnyat shonkwayaner Jesus Christ, raonhageh tyoyendahkon nonwa nen yongwayenaonh ne karihwaseronnyatsera.

12 Neh kady a-o-riwah ne karihwaneron ji yodaweyadon ne ji yonwenjahdeh ehtyoyendahkwen ne shayahdat ne ronwe, neony kenheyon ehdakayendahkweh jinonka ne karihwaneron, neony kenheyon wakaranneh jinonka nakwekon nonkwe, iken akwekon rodihrihwaneron :

13 Iken ne karihwaneron nen jiyonwenjahdeh shikahyen nen

shonweh ne law : nok karihwaneron, yah dekakarodahsyon jinonwe ne yahkaneka ne law.

14 Nok kenheyon yorihwakahnonny ehtyodahsawen ne Adam jiniyohre ne Moses, shigon ony ne rononhageh ne yah dehodirihwaneron ne ne deskyatyeron ne Adam ra-o-derihwahdewahdontsera, i.e raonha ne tyoyeronnionh ne dahrehserah.

15 Ne yahten ne jiniyoht ne kanhitsera, eh ony niyoht ne skennen adadawy ne kentenrat, iken dohka ehtyoyendahgwen ne raonhitsera ne enskat yawehdowanen ronenhayon, doh-kady niyoreh senha ne raotenrat ne Niyoh, neony ne ok skennon a-dadawy ne kentenratserakon. ne eh tyoyendahkwen enskat ne ronkweh Jesus Christ, yotkadatonh jinonka nyakotyogowanenh.

16 Neony yahten ne jiniyoht ne a-o-rihhonnyat shayadatrorihwaneron, eh ony niyoht ne adadawy : iken ne kajenhayentsera shayadat jityoyendahgwen jinonka nadewendetserakon, nok ne adadawy ne kentenrat tyawenon jinonwe ne yawedowanen kanhitserakon jinonka naderihwakwarihsyatsera.

17 Iken dohka a-o-riwa ne raonhitsera ne shayahdat kenheyon yorihwaganonny eh tyoyendahkwen ne enskat, ehso senha ne rononha ne rodiyenaonh jiniyotkahdahton ne kentenrat neony ne okskennon adadawy naderihwakwarihsyontsera, enkarihwaganonny jinonwe ne yonke eh tyoyendah ne enskat nene Jesus Christ.)

18 Ne kady ji eh tyoyendah-

kwen ne enskat kanhitsera neh dakahaweh nadewendetsera ji nonka nagwehon nongwehokonkeh : eh kahdy ony niyoht tyoyendahkwen ne enskat aderihwakwarihsyontsera ne dakahaweh jinonha nagwekon nongwehokon jinonka naderihwakwarihsyontsera ne yonhe.

19 Iken ji eh tyoyendahkwen ji rodewennontyon ne shayahda rodityohkowanen ne wahhontonh ne rodirihwanera-akskwen, eh kady ony niyoht tyoyendahkwen ne ra-o-dewennaraksera ne enskat rodityokowanen neh enshontonh ne yoderihwakwarihsyon.

20 Nonwa ne law tyodaweyah-ton ne kady ne kanhitsera aontkadateh ; nok jinonwe ne karihwaneron yotkahdahton, kentenrat yahhondohetsteh ontkadateh :

21 Ne kady ne jiniyoht ne karihwaneron ji wakarihwaganonny ji nonka ne kenheyatneh, eh kady ony niyoht kentenrat akarihwaganony a-o-rihhonnyat naderihwakwarihsyontsera jinonka ne jiniyenhenweh yonhe ra-o-rihhonnyat Jesus Christ Shongwayaner.

CHAPTER VI.

NAHHOTEN kady enteron ? nenkonh endidewarihwahkonton jikarihwaneron ne kady ne kentenrat aontkadateh ?

2 Tohsa ehnyawenneh. Onkyonha ne yongwenheyaonh jinonka ne karihwaneron, ohnahoton a-karihhony senha karihwes eh a-e-tyonheteyeh ?

3 Yah ken dejaderyendareh

jinikon nonkyonha baptized raonhageh ne Jesus Christ eh ki baptized jinonka ne raonha rawenheyat ?

4 Yongwadyadaton kady enskatne ne raonha aorihwa ne baptism jinonka ne kenheyatneh ne kady jiniyoht ne Christ ji shotketskwen ne kenheyatneh a-o-rihwa ne raonwesentsera ne Ranihha, onkyonha ki ony eh ayonkwadontyonhatyeh ne ahseh jia-e-tyonhetyeh ;

5 Iken tohka neh yongwatonhon neh enskatne ne raonha ne neh deskyatyeron ne rawenheyat, eh ki ony niyoht nonkyonha neh deskyatyeron ji shotketsgwen :

6 Yonkwaderyendareh kenigon, nene ongwawen ne akahyon rongweh dehonatyasonteh enskatne ne raonha, ne kady ne a-o-yerondah ne karihwaneron a-onhtontonhageh, ne kady ne yah shekon thaonsedewayohten-seh ne karihwaneron.

7 Iken raonha ne rawenheyon shotneronsyon ky ji nonka ne karihwaneron.

8 Nonwa tohka yongwenheyaon enskatne ne Christ, tyonkwehdahkon ki ony ji entyonheke enskatne ne raonha :

9 Yongwaderyendareh ne Christ ji shotketsgwen ne kenheyatneh yah oyah thaonsahrenheyeh : kenheyon yah o-yah dejoshatstenserayen ne raonhageh.

10 Iken onahkon thoiken eh rawenheyon, wahrenheyeh jinonka ne karihwaneron enska onderatsteh : nok onahkon thoiken

shronhe, shronhe raonhakeh ne Niyoh.

11 Neh kady ony nihseh jahratstonhak nyadesehniyadishon sehnonheyaonh jinonka ne karihwaneron, nok ji-jonhe jinonka ne Niyohne raonhatserakon ne Christ Jesus shongwayaner.

12 Kinyoh tohsa kady ne karihwaneron eh karihwakaronny jinonka ne kenheyons sewayerondah ne ne aeseewawonnarahgweh ne a-o-noshatsera-okon-

13 Netens ne ya-e-jadadatkahwe jiniyoht ne yakoyotenstha jinonka ne yah deyoderihwakwarihsyon jinonka ne karihwaneron : Nok yahjadadatkafe ne Niyohne jiniyoht ne shononh-he tethodiyendahgwen jinonka ne kehheyatne, neony sewayerondah ne a-kayendahkwen jinonka naderihwagwarihsyontsera ne raonhageh ne Niyoh.

14 Iken ne karihwaneron yah thaontonmonton ne jonhakeh : iken yah eh desewadatonron onaken ne law, nok onahkon ne kentenrat.

15 Nahoten kaky ? nenken endewarihwanerakeh ne wahhony ji yah eh dehtewayadareh onahkon ne law, nok onahkon ne kentenrat ? tohsa ehniyawenh.

16 Yah ken dejaderyendareh. onkahkeh yenjadatkaeweh kanhatsera enkenhageh enjadewennarakwakeh, raonha ki raonhatsera onkah watshisewawennarakweh, tokah ken jinonka ne karihwaneron ne kenheyatne, kentskayen adewennaraksera jinonka naderihwakwarihsyontsera.

17 Nok deyononwerahdout ne Niyohne, thoiken ne jonha a-onhatserah kenhne ne karihwaneron, nok jadewennarahkwen sehneryaneh ne jinikarihoteh ne karihohnyonnyatsera jinonweh niyetshirihohnyonny,

18 Nonwa nen jijatneronsyon jinonka ne karihwaneron, ne ki wehjahtonh ne a-onhatsera naderihwakwarihsyontsera.

19 Wakadati tyoyanenha jiniyeweyennoton nongwe, ne wahhonny ne a-o-yahdanetskhatsera ne sewa-wahronneh : iken jiniyoht ji yehjatkawen ne sewayeronda a-onhatsera ne deyojontenyon neony ji sewaderihwadewahton jinonka ne sewaderihwadewahton : eh kady nonwa niyawenhn yahjatkaf ne sewayeronda kanhatseraakon enkonhageh naderihwagwarihsyontserahkon jinonka ne kayadadokentitsera.

20 Iken ne karihwaheron shiyonhatsera ne jonha jatneronsyon ki ne a-onhakeh naderihwagwarihsyontsera.

21 Nahhoton jiyeyohyaniyenteh sewayen nethohne ne nonwa nen jatehhons ? iken jiyeyodokteh thoiken jinahotenshon ne ne kenheyon.

22 Nok nonwa nen ji jatneronsyon ne a-onhageh ne karihwaneron, neony neh jaton-onh ne raonhatseraakon ne Niyoh, sewayen yohyaniyendeh jihonka ne kayadadokentitsera, neony ji yeyodokteh jiniyenhenweh yonhe.

58 Iken ne a-o-karyaksera ne karihwane ronneh ne kenheyonh ;

nok ne Niyoh ra-o-wenk ne adadawy jiniyenhenweh yonhe, raonhatserakon ne Christ Jesus shongwayaner.

CHAPTER VII.

Yah ken dejaderyendareh dewadadegon-o-gonah, (iken wakadahty ne rononhageh ne radiyendery ne law.) thoiken ne law enthonondonseh ne ronkweh iinikarihwes enhronhekeh ?

2 Iken ne yakongweh nyakon-yahkon, law yahkohneron raonhakeh ne rohne jinahhe ne ronhe nok tohka ne rohne ahrenheyeh, sontneronhsy ki na-o-rihwahke ne law jinonka ne rohue.

3 Eh kady niyoht dohga jinahhe ne rohne neh ronhe oyah aonsayoneyake thihachte ne ronkweh, ne ki ongonwanahtonkwe ne kanahkwarha : nok tohka ne rohne ahronheyeh, sayontneronsy ki jinonka ne law jiyonyakonneh ; ne kahdy ne yay neh thonkonhakeh ne kanahkwarha etho saneh thihachte ne ronkwe aonsahodinyakeh.

4 Eh kady niyoht dewadadenkonogonhah, jonha ony ehniyawenw sewenheyaonh ne aonhake ne law tyoyendaakwen ne ne raoyeronda ne Christ ne oyah yahtenjonkwatyston ne shahayahdat ne shotketskwen ne kenheyatne, ne kady ne a-edewahhawe ayohyanyondahke raonhakeh ne Niyoh.

5 Iken ne shegon eh shiyongwadatenron nohwahronne ne jiwadoryanerons ne karihwaneron ehtkayendahkwa ne jinonkan e law yoyoteh nonkwayerondakeh

ne aondakahaweh aonhyanyen-ton jinonka ne kenheyatne.

6 Nok nonwa nen jonkwatner-onsyon jinonka ne law, yonkwonheyaon thoiken jinonwe ni-yonkwahneronhne; ne kady ji enyonkwayohton ahse ne kani-konra, neony yah ne jinonka nakahyon kahyadonkwa.

7 Nahhoten kahdy endewen-ron? karihwaneron ken ne law? tohsa ehniyohtonhak, nok yah dewakaderyendaranoh ne karihwaneron, jiniyohre eh dahkay-enhdahkwe jinonka ne law: iken yah ony dekatdohkahs ji yonos-hat, jiniyoreh ne law wadonh, tohsa ahsehnosha.

8 Nok karihwaneron deyohkwen nadeshennah, ontsteh ne karihwadatshera waoyohton ne iihhtserakon agwekon jinityoty-eraton ne kanoshatsera, iken ne yah kanekah ne law karihwan-eron yawenheyon.

9 Iken konhe enskat yoderats-ton ne yahkaneka ne law, nok katkeh ne karihwadatshera onwe, karihwaneron sondonheteh ne-ony wakiheyeh,

10 Neony ne karihwadatshera ne neh kahsa-ahton jinonka na-yakonhegeh, waketsHenry ne iihken ne kenheyat.

11 Iken karihwaneron deyohgwen ne adeshonnah ontsteh ne karihwadatshera, onke-nikonrh-ahton neony ne ontste ongwah-donteh ni-ih.

12 Eh kady niyoht ne law oyadadokenty, ne ony ne karihwadatshera oyadadokenty, ne ony yoderihwagwarihsyon ne ony yoyanereh.

13 Nenkady ken thoiken neh iken ne yoyanereh neh onttonh ne kenheyon niuhne? tohsa ehniyohtonhak: nok karihwaneron ok kennon thaontoh ji rihkawaneron iken, yoyohteh kenheyon nihtseragon tyoriwa thoiken ne neh ikenh nyoyanereh, ne kady ne karihwaneron, aorihhonnyat ne karihwadatshera ne a-onttonh nyeyodongohton wahetken.

14 Iken yongwaderyondare ne law kanigonrake iken: nok niuh ohwaronneh ikenh, wadenhni-non onakonh ne karihwaneron.

15 Iken thoiken jinonkyereh yah dekerihwanirats: iken neh ehnikyerha ne yah eh tetkenon-wehs, nok nahhoten ne ikswens ne ehniwakyeron.

Dohka kady eh nenkyereh thoiken jinahoten ne yah dewakathondahton, wakerihwanirated ji yoyanereh ne law.

17 Nen kady nen ne yah cyae iih ehdeskyerha, nok karihwann-ron ne yodatenron ni-ihhtserakoh.

18 Iken wagateryendareh ne iihhtseragon, ne wahhy, ne akewahronneh, yah othahohten dehwa ne yoyanereh: iken ihwah ne iuhne ne eh nitkanigonrohton: nok ohna-akyere naonkyoton thoiken nyoyanereh yah thake tshenry.

19 Iken ne yoyanereh jinadewakahdonwenjony yah eh thakyerereh: nok ne wahhetgon ne yan eh detkehnnonwes neh eh nenkyereh.

20 Nok dohka ne eh nenkyereh ne yah eh detkehnnonwes, yah ki-oyah iih eh deskyerha, nok karih-

waneron ne kahyen ne iühtserahgon,

21 Wähkeshenry kahdy ne law, ne katke nen dehwa gadonwenjony ne yoyanereh jinakatyere wahetkon kahyon ne iihue.

22 Iken wakeryendiyohs ne raotiyawenratsherahgon ne Niyoh tyoyanenha ne onahkonserahkon rongweh:

23 Nok dekginereh thikahte ne law akyerondagon, yodoryaneronny ne a-o-tyawenratsera ne akenihgonra, neony yahhonkyadonhawe onkenaskonnv jinonka ne law ne karihwaneron ne eh yodatenron kyerondagon.

24 O yodaditenrat ronkwe ne iih! onka enjonkneronsy kenikonh jiwahte ne oyerondah ne kenheyonh?

25 Deyononhwerahdont ne raonhageh ne Niyoh raorihhonnyat Jesus Christ Shongwayaner. Nen kahdy I yadekyaty ikene ne kanigonra enkyotenseh ne raotyawenratsera ne Niyoh: nok ne ohwahronne karihwaneron a-o-tyawenratsera.

CHAPTER VIII.

NE kady karihchonny nonwa yah adewendetserakon deskonh ne rononhageh ne eh ronadatenron raonhatserahkon ne Christ Jesus.

2 Iken ne a-ohtyawenratsera ne Kanigonra ne yonhe ne Christ Jesus-tsherakan neh sewakneronhsyon jiwahde ne law ne karihwaneron neony ne kenheyonh.

3 Iken ji nahhohten ne law nyah deyokwennyon eh nayoyeh

ron onahkon thoiken yoyahdahnetskha aorihhonnyat nohwahronneh, Niyoh dahhotennyeteh ne raonha Royenhah neh desk-yatyeron ne yonrihwaneraaksgwen ohwahronne, neony a-o-riwa ne karihwaneron wahhade-wendehteh ne karihwaneron ne owahronneh.

4 Ne kady neh yoderihwagwarihsyon karihwahnontoni ne law a-onderihwanahne nonkyonhatseragon. ne ne yah eh deyongwahtontyonhatyeh tyoyanenha ne owahronneh nok neh tyoyanenha ne Kanihgonra.

5 Iken rononha ne neh iken ne tyoyanenha ne onwahronneh ne ki radinihgonrarah jinahhotenshon nohwahronne; nok rononha ne neh iken ne tyoyanenha ne Kanihgonra ne ki jinahotenshon ne Kanikon ra.

6 Iken ne ohwahronne yehnikonrarahnye neh ikenh ne kenheyon: nok ne kanihgonra adonihkronraratshera ne iken ne yonhe neony skennonh.

7 Ne wahhonny ne owahronneh adennihkonraratshera neh iken ne roshonhs ne Niyoh: iken yah thiyeyodadatkahwen jinonka ne Niyoh ra-o-tyawenratsera, ne tenskenh ne a-ontoni token-ske ehnyawenne:

8 Eh kady niyoht ne rononha ne neh iken ne ohwaronne yah thahadigwehny aondahlonwah-nigonrayerihte ne Niyoh.

9 Nok yah ne jonka ohwahronne dejacatenronh nok onahgon ne Kanihgonra, dohka ne Ra-onigonra ne Niyoh enhodatenronh jonhatserahgon, nonwa dohka

onhkaoh yah dehhoyen ne raonikonra ne Christ, yah ki raonhageh dehayadarehgwonh.

10 Nok dohka Christ enhenterondake ne jonhatserahgon, ne oyeronda yawenheyonh tyoriwa ne karihwaneron ; nok ne kaniggonra yonke tyoriwa naderihwagwarihsyontsera.

11 Nok dohka ne Ra-onihgonra ne raonha ne shoketsgwer neh Jesus ne kenheyatyne enhonderondakeh ne schonhatserahgon, raonha ne shoketsgwen ne Christ ne kenheyatne ony ensronhete ne kenhehyons sewayerondaogon entkayenhdaigwe ne Raonihgonra ne ronderon jonhatseragon.

12 Ne kady karihhonny dewadadekenogonhah, yongwatkarote, yah jinonka nowaronne, na-e-tyonhegeh tyoyanenha nowahronne,

13 Iken dohka enjonhegeh tyoyanenha nowahronne ensewenheyeh ; nok dohka ne jonha a-o-rihhonnyat ne kanigonra ensewahdonte na-o-deweyennaogon nowaronne enjonhekeh.

14 Iken jinihkon ne neh ronasharihne ne Raonigonra ne Niyoh, ne ki shakoyenogonhah ne Niyoh ne rononha.

15 Iken yah neh desewayehnaonh ne jonha ne kanigonra ne kanaskonnihs ahre jinonka ne kahteronksera ; nok ne sewayenaon ne kanihgonra ne kakshadaogon jikahnakte, eh nit yorihwa endewadewennaketsko, Abba, Ranihha.

16 Ne Kanihgonra yadekady kahawe ne karihwahnirhatssere enskahne nongwanikonra

ji ne ikenh ne ongyonha ne Niyoh raokshadahogon ;

17 Neony dohka kady eksahogonhah ikenh, nen ki yongwayendatserayen : yongwayendaon ne Niyohne, neony skahne yongwayendaserayon ne Christ : dohka ehnenyawenneh endewaronyahgon enskahne ne raonhe, enskahne ki ony endewayehna ne onwesentsera.

18 Iken neh enkahrattste ne karonyakensera ne ken wathahwy yah eh tetyotteh ne neh dayeron ne onwesentsera nonwahdodahsy nongyonhatserahkon.

19 Iken ne tyotkondahgwen ji yohrhareh ne kayahdisson kahnonhne ne raonadodahsyatsera ne Niyoh shakoyenogonhah.

20 Iken ne kayahdisson neh yodonh ne yowenniyoh jinonka ne ok thiyeyonowentoh, yah aonha eh detkanonwes, nok neh thoriwa ne raonha ne neh ronnyahton ne yah dewadadewenniyo, karharatseragon ikenh.

21 Neh wahhonny ne kayahdisson ensewatneronhsy nyadekady ji kanahskwah ikenh jinonwe ne yohhetkenh jinonka ne onwesentsera raonahdadewedniyotsera ne raokshadaogon ne Niyoh.

22 Iken yongwaderyendare wahgwekon ne kahyahdisson yononhshehnha neony yodironyagon kanonwahtenserahkon enskahne jiniyoreh nonwa.

23 Neony yah ononha ok dehkong, nok skegon ony nonkyonha, nyongwahyen ne tyotyeronhton yeyoyahniyente ne Kanihgonra,

ongyonha ony yadedewayahdishon yonkyonshenha nonkyonhatseragon, dewahnonhne jinahhoton yongwayendahonk, ne wabhv ne aotneronsyatsera ne ongwayerondah.

24 Iken karharatseragon ji jonkhiyahdakwen: nok karharatsera ne nen deyekanerah yah ne karharatsera dehken: iken nahhoton ne rongwe dehhakanere ohnenne kady ji shegon rorhare ?

25 Nok dohka yongwarhareh nahholton ne yah thadedewahganereh, kanikonkatstenseragon ky endewennonnah.

26 Eh ony nityotyerahon ne Kanihgonra ony shongwayenawaseh nongwayadanetskhatserakon: iken yah deyongwateryendare nahhoton a-e-dewateronnayendahgwe jinonga ne a-ondakayerike: nok yadehayahty ne Kanihgonra shongwayenawahse ikeneh a-onshenatsera ne yah thaonton aondatihhageh.

27 Neony raonha ne rakaenyonhs ne awerihhigon roderyen-dare nahhoton ne raodennihkonraratshera ne Kanihgonra, ne wabhonny ji shagoyohdense ne rodiyahdadokenty tyoyanenha jinithanonwes ne Niyoh.

Nok yongwaderyendare agwekon jinahhohtenshon yoyanereh yotyoteh enskahne, ne rononhageh ne ronwanoronkwa ne Niyoh, rononhageh ne karonyonharonh tyoyanenha ne ji nithohson.

29 Iken rononha ne o-hendonb deshakoyendehry o-hendonh ki ony deshakoyadarakwen ne nel

donskontyehron ji nihayahdoh-ton ne Royenhah, ne kahdy ne raonha ne neh erkonnhageh ne tyotyeronhton ronakerahon raodinenrahgon ne yawehdowahnon wadadekenserahke.

30 Neony ne rononha ne ohendonh deshagoyadarakwen, rononha ony washakoronyonhareh: neony rononha ne washakoronyonhareh, rononha ony sahshakorihwagwarihsyaton: neony rononha ne sashakorihwagwarihsyaton, rononha ony washakaonwesahke.

31 Nahhoton kady endewenron kenigonh ji nahhotenshon ? dohka Niyoh dehshongwadaseonkah enhagweny enshongwat, ontonh ?

32 Raonha ne yah dehononhstahton ne yahdehayady royen-hah, nok yahhotkawe ne onkyon-ha yedewagwekon ongwarihwakeh, ohnayawen kady ne yah enskahne ony ne raonha ok skennonh thashongyon agwekon ji nahhotenshon ?

33 Onka entahaweh ne kandankaksera ji nonka ne Niyoh shakoyahdarakwen ? Niyoh seh sehshakorihwagwarihsyaten-nihs :

34 Onka ne raonha ne rade-wendetha ? Christ naah ne rawenheyonh, hen senha issinonwe, ji shotketsgwen ahre, raonha ony eh rodatenron ji raweyendehdahgwen rasnonke neh Niyoh, raonha ony dehshongwadahse ne ongyonha.

35 Onka denjonkhikhahsy ji wahde ne ra-onoronkwatsera ne Christ ? karonhyakensera kenh,

netens deyoderilhorarak, netens karihwayesalton, netens nedonlikaryakonh, netens kahwaseron, netens jideyoderyentharah, netens nasharehkowa?

36 Dyoyanenha ji kahyahton. tyoriwa niseh yonkhiroyohsehnis-agwekon: neh yongwadahratsdahgwen jiniyoht ne deyodilnakarondonhah ne enkaryohakeh.

37 Yahten, ne agwekon kenikonh jinahhotenshonh ongyonha ne senha issi nonwe jiniyoht ne ronadenshenhnyon ra-o-rihhonnyat ne raonhane shongwanor n'kwa.

38 Iken orihwiyo wakadonseh ji yah ne kaok nikayen ne kenheyon, netens yonhe, netens kondironyahkebronon, netens jikarihwakanonnyanyonh, netens kashatstonseraakon, netens jinahhotenshon nonwa wade, netens jinahhotenshon ne dahwe.

39 Netens jinityotde, netens jinikahtens, netens nothenon thikahte ne kayadisson, thakagwehny ne daonsayonkwakhahsy ne raonronkwatsera ne Niyoh, ne eh yodatenron Keristus Yesus-tserahton Shongwayaner.

CHAPTER IX.

Wagadady ne tokensketsera Keristus-tseragon, yah thakennowonte, agwatdokatserakon ony wakerihwanirahthi Ronikonriyosdonke.

2 Thoiken kowahnon yohwishat neony dyotgondahgwen ohnikonhrakshadahne ne agweryane.

3 Iken wakgwennyon ne denwahgadonwenjoseh he iih yade-

kyady aondewentehton da on-sakakhahsyon ne Christ neh raodirihwakeh ne kadadehgongonhah yakwadatenongweh tyoyauenha noliwahronne:

4 Neh ikenh ne Israelites: rononhageh aowerk ji karakte ne ekshaogonhah neony nonwesentsera, naderihwisa-atseraagon neony jiwatkawenh ne law neony ne ji enka-yodenh, neony ne karharatseraagon:

5 Raonawenk ne kanihseraakon, rononhageh ony tyoyanenha ne ohwahronneh ne Christ, raonha ehnekenh rodohetsdahgwen nagwekon, Niyoh ronendont jiniyenhenwe. Amen.

6 Yahten ne jiniyoht ne raowanna ne Niyoh nya thayorihbondon. iken yah dewagwekon ne ehradiyadehkwen ne Israel, neh dehken ne Israel:

7 Netens ji ne wahhonny ji Abraham ra-o-wenk ne kahnenh ne ken iken agwekon neh ne ekshaakonhah: nok raonhakeh ne Isaac ne sawenk ne kahnenh jienkaronyenhahron.

8 Kenikonh wahhy, rononhane a-okshada ne ohwaronne, yah nok neh ne ekshaakonhah ne karharatsera neh wahratston ne kahnen. (Seed.)

9 Iken kenikonh ohwenna neh ne karharatsera, tyoyanenha ke: rononhadehkwen ne raokshada ne Niyoh: kenh wathahwy lih entkeh, ne ony Sarah enyakokshadayendane rongwe.

10 Neony yah ne ok dehkon; nok Rebecca yoyehnahon tyoyendahkwen ne eska, ne shahaya-dat ne Isaac etshidewahmihlia:

11 (Iken ne ekshaogonhah ar-ekho shihonnonheh neony yah othenon dehhonatyeron nyoyanereh netens ne wahhetkon. neh kady ne ji nithohson ne Niyoh tyoyanenha ji karakwenh dahkadaneh, yah ne kayohtenseraogon, nok raonhageh ne raronyenbah ;)

12 Wadahdy ne aka-onhageh, ne thakowanen enhoyohtonseh ne nithoyenbah.

13 Dyoyanenha ne ji kahyaton, Jacob rihnoronkwa, nok Esau rihswenh.

14 Nahhoten kady endewonron ? othenon ken yah deyolerihwagwarihsyon jinonka ne Niyoh ? dohsa ehnyohton.

15 Iken rahwen raonhakeh ne Moses, enkodahsy ne ennidenrehsera ne onkageh nenhitenreh, neony enkodahsy ne kentenrat ne raonkahgh i.e. wahhitenreh.

16 Yah dady raonkakeh dehkoneh ne ji ok naondahhanonwen-eh, netens ne raonha radakheh, nok Niyoh ne enrodahsy ne kentenrat.

17 Iken ne kahyadonserado-kenty wahton ne raonhageh ne Pharoh, iken ne ne ken naakwa ne tyoriwakongowanahon, thoiken nakodahsy nakeshatstensera ne iseh-keh, neony thoiken ne akshonnah aonderihhowanahthe onwenjagwekon.

18 Ne kady wahhonny raonhaji nentrehere ne onka nenshako-terre, neony raonha onhonnon-hton onkageh enhahnirahte.

19 Onsihron nenneh jinonka ne iih, ohniyotyeron ji shekon enharihwatshenry ? iken onka

radoryanerony ne jinithanon-wes ?

20 Yah, nok O ronkwah, onka ne iseh naondatserihwaserahgwen ne Niyoh ? neh ken ne kahson a-hawenhase ne rohson, ohniyotyeron ji ehniyot ji waskyatissah ?

21 Kentenskayen yah ken ne ratshehdonny dehhoshatstense-rayon jinonka nonawatsda, ne ok neshaka ahronnyadeh enska nene yerakwa jinonka ne yotkonnyons, neony ne thikahte jinonka ne yah deyotkonnyons ?

22 Neony dohka ne Niyoh, enrehre rodahsy ne raonakwensera neony enrohdahsy ne raoshatstensera, wahhadahkatsda-deh ikene ne ehso kanikonkats-tensera jinonka ne yerakwa, ne kanakwensera ne ok tkayery ne onwahdondonhageh :

23 Neony nahrodahsy ji niwatsshokowa tsera ne raonwehsentsera jinonka ne yerakwa ne kentohenrat, ne endonh neh thogwada gwahton ne onwesentsera.

24 Ongyonha ji shongwaronhyonharon, yah neok dehkoneh ne raodinenrakon ne Jews, nok ony raodinenrakon ne Gentiles ?

25 Jiniyoht ji rahton netho Hosea, ne enkhenahongwe ne yah dewakongwehda Iih a-kongweda ; neony ne yah kanoronkwatserakon dehkoneh, kanoronkwatserahkon ikenh.

26 Neony ehnenyahwenne, jinonwe nihwa wadahdy ne rononhageh, yah Iih dewakongweda ne jonha : etho nonwe ne rononha ne enkanahdongwen ne rothe Niyoh shakoyenogonhah.

27 Nok Esaias rawennotch a-o-riwakeh ne Israel, Shegon ne Israel oh nahhadihhageh jiniyot ohnehsaronkwa ne kanyudara-keh, yodatenron ky ne onshon-wadiyadakoh :

28 Iken yenhahsa ne kayoh-tonsera, aderihwagwarihsyont-serahkon ji ken nenrontstonbah: ne wakhony ne Royaner ji ni-yensha onronnyadeh ne kayod-ensera ji ken niyenhayere ne ji yonwenjahteh.

29 Neony tyoyanenha ne Esaias ohendonh thawenh, dohka yah ne Royaner ne kentyoko-wanenogon, thashonkwenrahse ne kahnen, (seed), eh ki naya-wen nonkyonha jiniyoht ne So-dom, neony neh ayonkwadon deskyatyeron ne Gomorrha.

30 Nahhoten kady endewen-ron ? thoiken ne Gentiles ne yah dehonesahkon naderihwagwarihsyontsera, yohhonneweh jinonka naderihwagwarihsyontsera, ne aderihwagwarihsyontsera ne ehtyoyendakhwen dewehdah-kontserahkon.

31 Nok Israel wahhadihnon-deratyeteh tyoyanenha ne law aoderihwagwarihsyontsera, yah thiyehohty jinonka ne law-a-o derihwagwarihsyontsera.

32 Onmyotyeron ? ne wah-nonny ji yah dewehdahkontsera-gon dehken, nok jinonka naoyodenseraakon ne law, iken eh wahhodinhihton thoiken ne ononyah ne kanhitsera.

33 Jiniyoht ji kahyahton, jat-katho, eh ongyon etho Sion ne onenyah ne kanhitsera neony otstenra ne kanhitha; neony

raonka ne thawehdahkon ne raonhageh yah thahadehhon.

CHAPTER X.

Dewadadekonogonhah ji nade-dewakadonwonjony nakw-eryaneh neony ji kerihwanon-tonhs ne. Niyohne ne ra-o-dirih-wakeh ne Israel ne neh kayudan-onstatsera.

2 Iken lih onkerihwahnihradeh ne rononhageh ji ronaststenyaron jinonka ne Niyoh-ne, nok yah ky detyoyanenha naderyendarat-sera.

3 Iken yah dehhonaderyen-dare ne ra-o-derihwagwarihsyontsera ne Niyoh, neony ronnehsaks nahhadiketsko nyadehhadiyahty ra-o-naderihwagwarihsyontsera, yah thiyehhonadadatkawen ne raoderihwagwarihsyontserakou ne Niyoh.

4 Iken Christ neh ikenh jiyo-dokteh ne law a-o-riwakkeh naderihwagwarihsyontsera jiniyadehkon ne dyakawehdahkon.

5 Iken Moses rawehneston ji nityotyerahon naderihwagwarihsyontsera jinonka ne law, ne-ne rongwe ne eh nenhayereh thoiken ji nahhotenshon eh ky enhronhekeh.

6 Nok ne aderihwagwarihsyontsera ne dewehdahkon ken-nityotyeraton ji yothare, dohsa ne seryaneh ahsihron, onhka a-hatharadate karonyahkon ? nene da-on dahhoyahdatsnente ne Christ.

7 Kentenskayon, onhka yah-hatsnente ne onahkon ? neneh

daondahboketsko ne Christ ne kenheyatne :

8 Nok nahhoten wahntonh ? ne ohwenna akta ne isehke yodatenron jitsihakaronte neony seryaneh : ne wahhy ne ohwenna ne dewehdahkon ne yakwarihhowanatha :

9 Thoiken dohka jitsihakaronte ensadonderone ne Royaner Yesus, neony seryaneh ji endesehdahgweh thoiken ne Niyoh ji shoketsgwen ne kenheyatneh enjesayahdako.

10 Iken ne ikene ne a-wery ne rongwe enrehdahkwen jinonka naderihwagwarihsyontsera ne ony ikene jirahsakaronte adonderotsera wahronny jinonka ne kayahdanonsdatsera.

11 Iken ne kahyadonseradokenty wahnton, onka kiok thawehdahkon ne raonhageh yah thahhadehchon.

12 Iken yah othenon thadekyatdihhon ne Jew neony ne Greek : ikenh ok ne shahs dah Royaner ehne kon rodohetsaahgwen nagwekon rotshokowa jinonha nagwekon ne rononhakeh ne radironyenha ne raonhakeh.

13 Iken agwekon onka kiok enharonyonhare ne raosennah ne Royaner enshonwayahdakoh.

14 Ohnayawenh kady nahhadironyenha ne raonhageh ne yah dethonwehdahkon ? neony oh nahhadiyereh ne aondahhonnehdahgwe ne raonhakeh ne yah dehhonwahronkon ? neony ohnayawen nahhonwaronke ne yah ne raderihwanohtons ?

15 Neony ohnayawen nahhonderihwanohton, tohka yah thi-

yehhonwanadennyehton ? tyoyanenha ki ji kahyahnton, ahnyoh yoruhseh ne ronsilike ne radiihawy nadonharah natroryah ne skennonh, thoiken radiihawy natroryah nyotonhara ne yoyanero jinahhotenshon !

16 Nok yah agwekon dehhonadewennruhkwennorihwadokenty. Iken Esaias rahtonh, Sayaner, onkah dahhonnehdahkweh ne ongwatrorya ?

17 Eh kady nyoht eh nenteweh ne dewehdahkon ji enyonronke, neony ne enyonronke entkayendahgwe ne Niyoh raowenna.

18 Nok wahkiron, yah ken tehonahronkon ? hen orihwiyoh, ne raodiweana yohdentyon jinonka nagwekon jiyonwenjadeh, neony ne ra-odiwennaakon jinonka yeyodokdanihchon jiyonwenjahteh.

19 Nok wahkiron, yah ken ne Israel dehhonaderyendareh ? tyotyeronton, Moses rahdon, engyoryaneron ne jonha na-esewadonnosha jinonka ne yah neh dehkon ne rononwenjade, ne enkatsteh ne rononwenjahte nya dehhodinikonrayendahs ji onganahkonny ne jonha.

20 Nok Esaias rodakarihte neony rahton, wahhonkyadats-henry ne rononha ne yah dehonkyadissahkon ; wakadodahsyon ne rononhageh ne yah dehadirihwanontonh ne lihne.

21 Nok ne rononhakeh ne Israel rahton, wehnisseragwekon yewakonnontshaketsgwen rononhageh ne ronadewennontyon

neony ronwadoryahneronny ron-nonkwehokon.

CHAPTER XI.

WAHKIRON kad'y, issy ken ne Niyoh yeshakoyahdontyon ne raongweda ? tohisa ehna-yohton. Ikenlih ony ne Israelite, jiwahde ne Abraham raonon (seed,) jirononwenjade ne Benjamin.

2 Niyoh yah issy thiyeshagoyahdontyon ne raonkweda onendon, thoderyendare, yah ken de-jaderyendareh nahhoton wahdon ne kahyadonseradokenty aorih-wakeh ne Elias ? jiniyoht jiy-ahhadahdy ne Niyohne nahhon-atkontonli ne Israel.

3 Sayaner washakodiryoh ne songweda yehhadiriwakens, wah-hondahgwateh ne sawenh jiyon-neyahdahkwa : neony Iih ok se-wakadatenron, neony ronneh-saks nahhongwahdonte.

4 Nok nahhoton wahbenron ne Niyoh ji wahharihwaserahko ne raonhageh ? wakadatyenny ne yadekyahty jahdah niwenny-awe-etserahshon niyongwedakeh, ne yah thatehonwadontshodany ne Baal.

5 Eh kahdy niyoht nonwa ne ken wathahwy ony ronadatenron tyoyanenha ji ronwadihyadarakwen ne kentenratserakon.

6 Nok dohka kentenratserakon ji nityotyerahnton, yah ki oyah ne kayohtensera ; nok dohka oyah naondayotyeradon kentenrat ky yah oyah ne deskon ne kentenrat. (Nok dohka kayohtensera onkenhageh, yah

ki oyah ne deskon ne kentenrat : oyah naondotyerahnte kayoh : tenhsera ki yah oyah ne deskon ne kayohtenhsera.)

7 Nahhoten kahdy ? thoiken ne Israel rehshaka yah dehhotshonryon ; nok ne ronwadihyadarakwen wahhaditsHenry, neony ne otyakeh wahhoneryahsalmihrahne.

8 Tyoyanenha jiniyoht jikahyaton, Niyoh deshakowy ne kani-gonra ne oserenhda ne rononha, ohkahraokon ne yah thaontkatho, neony ohondaokon ne yah thaonhronkeh, shekon ji niyohreh ne kenwehnserahde.

9 Neony David rahton, kinyoh ne raonadekware ne kenhak ne dewaskote, neony yerisdayendakwa, neony ne kanhitha, neony wahhonaderihwahseragwen ne rononha :

10 Kinyoh ne radikabrahgehty karaon kenhak, ne katy ne yah thahontkatho, neony dent : hahkete ne radishonneh ok tyot-kondahgwen,

11 Wahkiron kahdy, wahhod-inhihton ken ne kahdy naondahhadiyahtonneh ? dohsaehnayohnton : nok dakayendahgweh ji dahhadiyahtenne kayadanonsdatsera onweh ne rononhageh ne Gentiles nahhonoryaneron nahhontennosha.

12 Nok dohka ji dahhadiyahtonneh neh a-otshokowatsera ne ji yonwenjahte, neony ji wahhonahntonse ne ra-o-natshokowatsera ne Gentiles : dohkady niyoreh senha ne nen ensahnahne ne rononhageh ?

13 Nok jonhageh yewakthareh

Gentiles: nene ji ehniyoreh ji nene wakadonh ne Apostle jinonka ne Gentiles, enk-kowanahite ji wakaderihhonte.

14 Ne dohka ka ok naondak-gerahite akheyoryaneron jinonka nanihondonnosha ne rononha nakawahron, neony otyake aonsakheyahdako ne rononha.

15 Iken dohka ji issy yalhonwadiyahdony karihwasyonyatsera onton ne aonhageh ne ji yohwenjahite, dohkady ne niyenyahwenne ne nen enshonwadiyena, nok yonne tyoyendahgwen kenheyatne?

15 Iken dohka ne tyotyerontohh yohyadadokenty ji yohyanihyente, eh ki ony niyoht jinikon-tonwah: neony dohka ne oltehra yoyahdadogenty, eh ki ony niyoht ji yonhahdontonh

17 Nok dohka otyake ne yonhahdonton yotyakon, neony ne iseh ne yohteronny ne olive, yahdewahsontere raodinenrakon ne rononha, neony skahne sewayada-raon ne ji yohterondeh neony ji niyohrehson ne olive karondah;

18 Dohsa sadatharahdat a-oriwa ji eh yonhahdonton, nok dohka ensadatharadate, yah iseh deshawe ne oltehra, nok ne nohtehra kakhawe ne iseh.

19 Enhsiron kahcy, jiyonhahdonton yotyakon, ne kty ne lih eh daonsonsonderakeh.

20 Tkayery; neh wahonny ji yah dethonehdahkon a-oriwa kayahkon, neony ne iseh dewehdahkwentserakon ji ihseteh, dohsa ehnekon tyotdek jisonnontonnyonhek, nok setshahnishkek:

21 Iken dohka ne Niyoh yah

dehhononstahnton ne ok shiyonhahdonton, satoanikonrarenh onwa ohmiseh yah thahyayahdantonstate.

22 Jatkatho kady ne ji nihhoyanere neony ji nihhoshatstere Niyoh; wahkahrane rononhake ne thodiyahntonh yoshatste; nok ne isehke Niyoh jinihhoyanereh wahkahrane, ne dohka entehskonton etho jinihhoyanere; dohka yah iseh ony onkayakohakeh.

23 Neony rononha ony, dohka yah thaondahhadikontonh ji yah dethonehdahkwent, densewahsonderakehky, iken ne Niyoh rokwenyon ne densbahsonteron.

24 Iken dohka ne jonha eh tkayahkon ji shaoyerah yohderonny olive karonda, neony yah deyoyanenha ne shaoyerah ji eh dewahsondere jinonka ne karon-diyo olive karonda: doh kady nihkon senha ne kenikonh ne ne shayeraah aonhahdeogon eh densewahsonterake jinonka ne rononha raonawenk olive karon-da?

35 Iken yah eh tha-akyere, dewadadekonogonhah, naondesewahkarasheke kenikon yoderihwahsehton, onwa nenne enjatkahageh nyadesniyahty jonnontonnyohtserakon, thoiken otyake wathadironweke ne Israel, ji niyoreh ne kahnahnon raonahwen ne Gentiles entewadawayate;

26 Neony agwekon ne Israel enshonwadiyahdakoh: tyoyanenha ky ji kahyahton, Sion enthayenhahgwe ne sheshagoyahdakwahs: neony ehron enhahahwihte ne raonhageh ne Jacob

ne yah deyo lerihwagwarisyon :

27 Neony ne ne ken nagwaderihwisa-atsera ne rononhakeh, ne nen e'iron enkluwite ne raodirihwanera-aksera.

28 Ne aorihwakeh ne karihwiyo atrorya, radiswens tyoriwa ne jonha: nok ne aorihwakeh ne jikayahdarakwen, ronwadin-oronkwa kahnihseraokon tyoriwa :

29 Iken ne raodalahwiohkon neony ji roronyenharon ne Niyoh yah deyoyen ne daonsakakarhatennyon.

30 Iken ne jonha ne yodohetaton watruhwy sewadewennontyon ne Niyohne, nok nonwa sewayehnaon ne ennitenrehtsera aoriwa ji yah dethonehdahkon.

31 Eh kady ony ne niyoht ne rononha ne onwa ronadewennontyon, thoiken aondikayenhdagwe ne ennitenrehsera wesewayebna rononha ony ahadiyena ne ennitenrehsera.

32 Iken ne Niyoh wahhanhoten agwekon ok enskahne ji yah dethonehdahgwen, ne kady ne ashakotenreh jinonka ne ok yewakwegon.

33 O neh jinikahtens natshokowatsera neony kanikonrowanentsera neony aderyendaratsera ne Niyohne! ahnyoh yah thiyyohhet ne raoyadoretseraakon, neony ji rohhatennyon yah thaonton yayeheweh!

34 Iken onka roderyendare ne raonontonnnyontsera ne Royaner! netens ne onhka debonwayahdorehdaseh?

35 Netens ne onka thohwy tyotyerononh ne raonha, neony

a - onsalhoderihwaserakwen ne raonha?

36 Iken raonhagoh, neony raonha raorihhonyat, neony ne raonhagoh, neh iken nagwekon ji nahhotenshon: ne raonhagoh kenhak ne onwesentsera ji niyenhenwa. Amen.

CHAPTER XII.

W AIGWEN NITENTON
Kady dawadadekonogba ha a-orihwa ne raonitenrehseraakon ne Niyoh, ne ya-ehjatkaw: sewayerondaakon yonke wennoyandahkwen, yoyadadekenty, yaweryentyoht ne Niyohne, ne ne tikyery sewayotensera.

2 Neony yah eh thonjisewahydarehgwen ne kenji yonwenjahite, nok dejottennyonhak ne jonka a-o-riwa ji ahseh jodoni ne sewanikoura, ne kady ne orihwiyoh a-e-sehnonny ji nahhoten ne yoyanereh neony yonyat neony kanahmon jinitanonwes ne Niyoh.

3 Iken wahkiron, tyoyanenha ne kentourat watkawenh ne lihne, ne ji niyahdejongwehdakeh ne sewanenrakon ne jonha, ne dohsa senha ehneken ji ahennontonnnyonheke ji seh niyoht ji ahennontonnnyonheke; nok attokhatserakon ji enhonnontonnnyonhekeh, ji niyoht ne Niyoh ji dehhorilhontheh ji niyahdeyongwedake ji ensnilyotdeh ne dewehdahgwen.

4 Iken ji niyoht ne skayerondat yawehdowanen yongwayen ne yonaterihhonton, nok ne yonaterihhonton yah agwekon neh

shakat dehken jinonwe niyona-terihhonteh :

5 Eh kady niyoht nongyonha yonkwentyohkowanen, skayeron-dih ikenh ne Keristus-ne, neony deyongwaterihhondoh didewan-yenhokenseron ;

6 Neony dewahhawe adada wiokon dekonttiyhanyon, tyo-yanenha ne kentenrat yonhiyawy nonkyonha, dohka ne neh ji yenkarihwakenhageh, kinyoh yedewarihwaken tyoyanen-ha jinihwa ne dewehdahkwen.

7 Ony ji enkarihwayohten, kinyoh yongwarihwayohton : ony ne shakorihhonnyonny shakorih-honnyon :

8 Ony ne rahrejahrons, sha korejaron : raonha ne enshakahonh ehniyhayer rotyesenhak : raonha ne enharihwaganonny, atstenyarontseragonh kenhak : raonha ne onhrodahsy ne enni-tenretsera, ronikonketsgwenhak.

9 Kinyoh ne kanoronkwatserahkon dohsa desehwanikonrah-serhak ; seniswenshek ne wahetkon ; yajaderanendakt thoiken jinonka ne yoyanereh :

10 Ne a-dadekenserah a-dadenoronk, kawennarohtontseralikon dekanoronk dih-sewanyenhokenseron : ne atkonnyenstahtsera shayahdat ensyenhatkaweh jinonka ne thihachte ;

11 Ne ji sewaderihwatennyon, yah thonsewendorhake ne kanihkonra enyodahkarihteke, enjhise-wayotonseheke ne Royaner ;

12 Ne karharatserahkon, enjadonharake ; ensewanikonkatsteke ne nen karonyakenserahkon, outisewakondakwen.

13 Enyetshiyakhonnihekeh ji dehhonadonwenjony ne rodiyahdadokentiokon : onyetshiya-deweyondonshekeh ne deya-kodawenryeh.

14 Yetshinenton ne enyetshirihwayesahte ne jonha sewanenton neony dohsa sewadewenteht.

15 Jadonharon enskahne ne rononha ne ronadonhahereh : neony jatsdahron enskahne ne rontstarha :

16 Neh shakat kenhak ne wennonttonnyontsera disewahnyenhokonseron ; yah ne thae-jadonnikonraron ne ehnekon tyot-teh jinahhotenshon, nok ehnonka jahdenty enskahne ne ehdahke ji nihhodinakdoten, dohsa jatdohhak yahdeseniyahtitserahkon.

17 Tohsa sasenirihwaserahkoh jinonka ne rongwe wahhetkon yada-a-keneh ne wahhetkon : ehjadaderoroks enyoderihwagwarihsyonyhake akohendon nongwedagwekon.

18 Ne dohka yotonh, jinihkon ne isekeh yokarote, shennonh konhak jinonka nongwedagwekon.

19 Tohsa sahsenirihwaserahko, kwanoronkwes, nok jatkafe ji yonakte ne kanakwensera : iken ken niyoht ji kakyahthon, ji enkarihwaserakwen lih agwawenk, ensek karyakeh rahdon ne Royaner.

20 Dohka kady ne yahswens enhadonkaryake, etshenont : dohka onhhonyadathon etsnekanont : iken ne ehnonnyereh onsihdon-yohton ojireh ne raon-onjineh.

21 Tohsa watenshenny ne wahhetkon ne jonhageh, nok sewashenny ne wahhetkon ne enjatste ne yoyanereh.

CHAPTER XIII.

KINYOY niyadewadonhetsherahke yahjadadonnon-tonhak jinonka ne enekon tyot-teh kashatstenseraokon. Iken yah dekayon ne kashatstensera nok ne Niyohneh : neony ne kashatstensera ne ikadeh Niyoh roketsgwen.

2 Ne kady ne raonha ne enhadoryaneronhahse ne kashatstensera, wahhadoryahneronlhahseh ki ne Niyoh roketsgwen : neony ne rononha nonhondoryahneronhahseh enhhad iyena ne adewendetsera.

3 Iken ne radirihwakanonnihs yah ne dehkon ne yotteronk jinonka ne kayohtenseriyo, nok jinonka ne wahhetkon, dejadonwenjony kady ken ne yah thaesewatshanisheke ne kashatstensera ? eh nahjahr jinahhoten ne yoyanereh, neony ensyena kanon tontsera eh entkayendahgweh:

4 Iken ne raonha Niyoh raonhatsera ne isekhe jinonka ne yoyanereh, nok dohka ne eh nonsyereh jinahhoten ne wahhetkon, sahterohn ; iken yah se ok oriwakon deken ji rahhaweh ne asharekowa : iken Niyoh raonhatsera, ne raonha, ne rarihwaserakwas kanakwensera raonhageh ne wahhetken nihhatyerha.

5 Neh wahhonny deyodonwenjohon ne yonjadadonnon-ton, yah neok detyoriwa nekanakwensera,

nok ony tyorihwa ne jiyejattokatha.

6 Iken nene ken tyoriwa senikaryak ony jiwaderakarhos: iken Niyoh raonhatseraokon ne raonha, tyotkon ensewanikonrarakhe kenikonh a-o-rihwake.

7 Yahjatka agwekon ne raonahwenk ji yokarohtonh : ji waderahkarhos senikaryak ne rononhakeh de raonawenk ji yokaroteh : ji watwisdaroroks senikaryak rononhakeh ji yokaroteh; senitshanihshek ne onkakeh ji a-e-sewatshahnishke; yetshikonnyonst ne raonawenk ne yotkonnyonst.

8. Tohsa onka yakarodanihahak othenon, nok donjadadenor-onkwake : iken ne ronoronkwa ne thihahde ronahnon ki ne law.

9 Kenikonh, tohsa kanahkwa ahserihwanerak. Tohsa asher-yoh, Tohsa ahsenonsko, Tohsa ah-senosha ; neony dohka oyah thikadeh ne karihwadatsera, ken niyensha jitkaroron kenikonh wadaty, etshenoronkwak ne dejon-nonsanehkon ji niyoht ne Ise yadesyahty.

10 Kanoronkwatsera yah deyoyot-teh ne yokarehwat jinonka ne dehyonnonsanehkon: kanoronkwatsera kady ji yodenahnonh ne law.

11 Neony thoiken, ja deryendareh ji wathahwy, thoiken nen yeyohch ne ayongwayeonhageh: iken nonwa nonkwayahdanonstatsera nen senha akda jiniyoht shondedewehdahgweh.

12 Jiwasondahte inonh nen yodohetston, neh ji wehniserahthe akta iweh kinyoh eron yonk-

watyet ne kayotenseraokon nah-sadakontsera, neony dewatyada-wiht ne deyonnyadatstha ne kaswathetsera.

13 Kinyoh yongwadentyonhaye yoweyenstonhak ji nioht kenwendehkeh, yah ne jiyonoshat ayongwatennyodake neony kanonwarahtontserahkon, yah ne kanakdageh adonweshontsera, yah ne jiyonoshat okthiyayonkwaserahreston, yah ne dayongwaderihhodarhon neony ah-yethinosa.

14 Nok jatst ne Royaner Yesus Keristus, neony dohsa ohendon dajennontonnyen jinonka ne ohwahronneh ne a-e-senihualne na-o noshatsera.

CHAPTER XIV.

R AONHA ne royadanetskha ne dewehdahkontserahkon etshisewayenah, yah ne daeseniyahdorehte jiniyehhonaikonronhahs.

2 Shayada thawehdahkon ne enrakeh agwekon ji nahhoten-shon: nok ne royahdanetska odonni-a-okonhah ihraks.

3 Kinyoh raonha ne ihraks dohsa akenronh raonny ne yah dehraks: neony kinyoh ne yah deraks dohsa dehhoahdoret ne raonha ne ihraks: iken Niyoh roynaonh ne raonha.

4 Onha ne iseh ne datsyadorehte ne thihateh raonhatsera? raonhageh ne raoyanehda ji ihrateh netens ne enthayahten-nah, nok ne ki enhonwayonny ne denhadaneh: iken ne Royaner rogwenyon ne denhadakeh.

5 Shayadat enhakowanahte sewehnisserah senha ji nioht ne thikahte: thihachte enhakowanahte niyadewehnisserahkeh okshadeyoh. Kinyoh niyadeyongwedakeh kanahnon orih-wiyo kenhak ne raonikonragonh

6 Raonha ne rawehnisserowanahon, ne Royanerneh ki ji rokowanahon: neony raonha ne yah dehahewehnisserowanahon, ne Royanerneh yahdehhokowanahon, raonha ne enrakeh, Royaner ne ki ji enrakeh, iken deh-hononweralitons ne Niyoh: neony raonha ne ne yah dehraks, ne Royanerne ki ji yah dehraks, neony deh-hononweralitons ne Niyoh.

7 Iken yah onka nonkyonha dehronhe jinonka ne yadeh-hayahty, neony yah onka tharenheyeh jinonka ne yahdeh-hayahty

8 Iken dejahron dohka entyonheke, ne Royaner-ne ki ji entyonheke: neony dohka endewenheyeh, ne Royaner-ne ki ji endewenheyeh: dejaron kady dohka entyonhekeh, neony dohka endewenheyeh, Royaner ki raowenk ne ongyonha.

9 Iken neh neken tyoriwa ne Christ ji rawenheyonh neony shronke ahre, ne kady ne raonha Royaner enkonhakeh dejaron ne yakonhennyon neony ne yakowendahan.

10 Nok obniyotyeron ne ji dentsyadorehteh ne jadadekenha? neony ahre, obniyotyeron ji watshasthotel ne jadadehkonhah! iken dewagwekon eh den-dewahdaneh ohhendoh ne ka-

jenhayentsera ji ronit-kwarat-sherodeh ne Christ.

11 Iken jiniyoht ji kahyahdon Iih kouhe, rahdon ne Royaner, ne Iihne agwekon donhyondont-shoten, neony niyahdewennah-sakeh on'kondondereneh raon-halike ne Niyoh.

12 Niyatehtyon kady endide-warihwaserahko yadedewayah-tishon jinonka ne Niyohne.

13 Ne kady wahlonny dohsa shegon oyah daonsedewadatya torehste; nok ken tenhnon kah-yen kenhak ne sewayadoretsera, ne dohsa yaejahty ne kanhitsera netens ne -dahejaskolton jiroh-haldeh ne jadadekonhah.

14 Wakaderyendare neony or-ilhwiyoht wakadonseh ne raonhat-serahkon ne Royaner Yesus, thoi-ken yah othahoten ne yah thay-odenoharehakeh nyadekayahty: nok raonha ne othenon ne neh rohratston ne yah deyodenoh-areh ne raonhakeh ki ne ikenh ne yah doyodenohare.

15 Iken dohka nehne kahgonh tyoriwa ne jadadekonah wah-hohkarahron, yah shekon eh de-ja-dontyonhatyoh tyoyanenba ne kanoronkwatsera, dohsa etshah-dont ne raonha ne a-ahsatste ne sawenk kahken ne Christ rawanheyahseh.

16 Kinyoh dohsa ne jawenk ne yoyanereh wahhethon wah-datyadonhak.

17 Iken ne raoyanertsera ne Niyoh yah neh dehkong ne day-ontskahhonn neony a-yehnekir-ah, nok aderihwagwarihsyont-sera neony skennonh, neony ad-onharah ne Ronikonriyostonkeh.

18 Iken ne raonha ne ehnon-we nihhoyodenseh ne Christ ya-weryendiyoh ne Niyohne, ne-ony yoderihwahnirahton ne on-gwehokongeh.

19 Kinyoh kady dewahnon-deratyet jinahhotenshon neh ne entkahawe ne skennonh, neony jinahhotenshon ne a-etewatsteh nayongwayenawaseh didewany-enhokonseron.

20 Ne a-ondakarihonnny ne kahkon dohsa sahdon ne raoyo-densera ne Niyoh, agwekon jin-ahhotenshon dokenske yodenoh-areh: nok wahhetken ky thoi-ken rongweh ne enrakeh kanhit-serakon.

21 Yoyanereh ne yah thae-dewakeh ne ohwahron, netens ne a-edewahnekira ne wime, ne-tens ne othenon jinahhoten ne jadadekonhah abohnhihton, ne-tens ne a-hotswahon, netens nahhoyadanetskhateh.

22 Sayen ken ne dewehdah-kon? sayendak nyadehsyahty raohenton ne Niyoh, rodaskats ne yah thahadadewendehdah-gweh jinahhoten ne kenniyen-hayereh.

23 Nok raonha ne ok yahdeh-honikonrakeh enhonwadewen-dehte dohka enrakeh; ne wah-honnny ji yah dewehdahkont-serahkon dehkong: nok ohkiok nahhoten ne yah dewehdahkon dehkong karihwaneron.

CHAPTER XV.

ONGYONHA kahdy ne yon-wayahdahhiron asdewah-haweh seh ne raodiyahdanets-

khatsera ne rodiyahdanetskha, neony yah thaondayongwadadenikonrazerihton.

2 Kinyoh niyahdetyon thonikonhayerit ne dehyonnonsanehkon jinonka ne raoyaneronsera jinhahoton ne a-hoyahdahniratste.

3 Iken Christ ony yah dethodatehnikonhrayerihton : noktyoyanenha jikahyahton, ne raodihkonnahdahkwatsera ne yesakonnahdahkwen lihne wakaralme.

4 Iken jinahhotenshon ne ohendonh tkayahton neh kahyatonhgwen ne ongwarihhonyonnyatsera, ne aorihhonyat ne kanikonkatstensera neony ji yodakarihdatt ne kahyadonseradokenty ayonkwarharatserayendaneh.

5 Neony ne Niyoh ne kanigonkatstensera neony shakaonwesatha atshijon ne ehnaesewanikonrotenhageh dissewanyonhokenseron dyoyanenha Christ Jesus :

6 Nekady skarihwa akenhageh enska ji sewahsadahronton atshijonwehsahte ne Niyoh, neony Ronihka ne Shongwayaner Jesus Christ.

7 Ne kady aorihwa dejadatyena ne jonha, jiniyoht ne Christ ony shongwayenahonh nonkyonki jinonka ne raonwesentsera ne Niyoh.

8 Iken wahhiron thoiken Christ ne rodonh ne kanhatsera ne jiyondyeronnitstha, neh aorihwahke ne raodokensketsera ne Niyoh, ne enharihwahniradeh ne karharatseraakon yonny rononhahke ne kahnihseraakon ;

9 Neony thoiken ne Gentiles ahhonwayenwehsahte ne Niyoh

aorihwa ne raonitenrehtsera; dyoyanenha ji kahyahton, ne kenikonh dyorihwa onkadonkerehne ne Isekeh raedinenrakon ne Gentiles, neony denkerihwahgwe jinonka ne sahsonnah.

10 Neony ahre rahton, jahdonhahron jonha Gentiles enskahne ne raongweda.

11 Neony ahre, ethisewanentoh ne Royaner, sewagwekon Gentiles ; neony etshisewanentoh ne Raonha, agwehon ne jongwehokon.

12 Neony ahre, Isaiah rahton, onyodatenron ne ji yohderonde ne Jesse, neony raonha ne enhatketsko ne onharihwakanonny ne rononhageh ne Gentiles : ne raonhageh Gentiles eh enhodirharatsherayendaneh.

13 Neony ne Niyoh ne karharatsera a-hahnalme ne jonhahkeh ne wagwekon ne a-donharah neony skemonh ne ji dissenehdahgwen, ne kady ne a-e-jatkahdahdon karharatsherakon, dyoendahgwen Ronikonhriyostonke.

14 Nonwa orihwiyo wagadonseh, dewadadekonokonhah, Iih ony, ne aorihwahke ne jonha thoiken yadessehnnyahdish onh ony neh kananoh ne yoyanereh, kananonh agwekon naderyendaratsera, sewakwe-nyon ony ne densewadatrejaronhekeh.

15 Nok yekwayadonny sonha adakaridatsherahkon, dewadadehkonkonhah, othenon nityotyerahton, nene a-onsakwehyahrahkwen, neh wahhony ne kententat ne yonkwawy Niyohne tyoyendahkwen.

16 Ne kady ne raonhatsera ne

Christ Jesus onkenhageh ne iik rononhakeh ne Gentiles, wakerih-wayodatyeh ji niyoht ronneyonhs raorihwadokentikeh ne Niyoh, neh kahdy ji yabhontkaveh ne Gentiles ayoye nahonhake, neh rayahuadokentihston ne Ronikonhradokenty.

17 Wakyen kady ne denkaderenhsaron ne Keristus Yesus-tserakon ne ji nahhotenshon ne neh aorihwake ne Niyohne.

18 Iken yah thakadenyenten ne akadahty othenon jinahotenshon ne yah Christ eh dehhoyoh-ton iihne, ne akarihhonny ahondewonnarahkwe ne Gentiles, owonnakeh tyoyendaghwen neony adeweyonnah.

19 Kashatstenserahkon ne wadenyontensdagwanyon neony tyatanatenyon, kashatstenserakon ne Niyoh Raonikonra; ne kady eh dondahsawen Jerusalem neony deyohkwadahse jiniyohre ne Illyricum, kanahnon I wahkaderihwahhotonh ne raorihwadokonty ne Christ;

20 Henh, ehniyot ji wakreh ne onkaderihwanoh-ton ne orihwadokenty, yah ne jinonwe ne Christ raosonna non kahheh, ne kady ne yak eh thak-ketsko jinonwe ne thihbahteraowenk jikakensereh;

21 Nok tyoyanenha ji kahyah-ton, ne rononha ne yah dehhonwadihrory aorihwahke ne Raonha, neh onhionkatho: neony rononha ne yah dehhonwahronkon, ne yonhodinikonrayondaneh.

22 Neh kenikonh tyoriwa ony ehso yoderatston wakehnhiton-

ny ne aondahke ne jonhake.

23. Nok nowa yah shekon desewakehnakdotesh ne kentho. neony nen ehso yohserahke shadewakadonwonjony ne aondalike ne jonhakeh:

24 Kaok nonwe nonkonhatyeh nen Spain yonkeh: Iken wakerhareh ne onkwahgon ne nen ehnonka niyonhonkeh, dohka tyotyerontonh ken nahheh akahnahne enskahne ayonkwadatenre ne jonha.

25 Nok nonwah yonke Jerusalem, yenkheyemawahse ne rodiahdadokentokon.

26 Iken Macedonia neony Achaisa eh nondahhadinonweneh nashakodiyenawase ne yakodientenryon jondatyadakwen Jerusalem radinakere.

27 Eh nondahhoneryendiyo dokenske, neony ronwadikarodany ne rononha; iken dohka ne Gentiles ehrodiyadaraon jinonka ne raonahwenk kanikonhrake jinahhotenshon, ne ky jaonsahhadirihwaserako ashakodiyenawaseh jinonka ne ohwahronneh ji nahhotenshon.

28 Neh kady ne nen onwakeweyonnondaon kenikonh, neony nen orihwiyo yonwakatkawen ne rononhageh kenikonh kahhik, dentke jonhakeh onkadohetsdeh nen Spain niyonhenke.

29 Neony wakaderyendareh thoiken; ne nen entke ne jonhageh, entke ne jinikananonh ne kayadaderitsera ne Keristus-ne.

30 Nonwa wagwenniten-ton jonha, dewadadekonokonah ne raonhakeh ne Shongwaner Jesus Christ, ne ony entkayendagweh

ne kancronkwatsera ne Kanikon-ra, ne a-ajakwisron enskahne ne Iih ne askwaderonnayennike jinonka ne Niyohne;

31 Thoiken naonsakehnyakon-neh ne rononhake ne yah dethonehdahkwen Judea radinakereh: ne ony ne kayodensera ne wakyen ne aonhaken ne Jerusalem ayoyenahdonhake rononhake ne rodiyahdadokenty;

22 Ne kady ne aondahke jonhageh a-akeneh nadonharah aon dakayendahkwe ne Niyoh jini-
thanonwes, neony skahne ne jonha aonsakadakaridateh

33 Nonwa ne Niyoh ne skenonh sewagwekonhak ne jonha. Amen.

CHAPTER XVI.

I IH yakheyatkaweh jonhakeh ne ongwadonnosonha Phebe, neh ne atkonissa-atsera aonhatsera netho Cenchrea:

2 Ne ayetshiyena nakaonha Royanerne dekenineronh jine ikonh ne rodiyadadokenty, neony ayetshiyenawaseh oh ki ok nahhoton ji donyakodonwenjonihake ne jonhake: iken yakoyeawahseh yakotyohkowanonh, neony Iih ony.

3 Deyetshinonweron Priscane ony Aquilla skahne yonkwayoh-ton Keristus Yesustserakon:

4 Rononha neh aorihwa ne Iih ji konhe yayatkawe ne yahdeh-niyahty nihnyasahke: ne rononhageh yah Iih ok dekon ji dekanonnhwerahtons, nok ony agwekon ne ononsadokentiokon ne Gentile-hahka.

5 Neh tyoyanenhaf deyetshinonweron nononsadokenty netho raodinonsakon. Detshenonweron ne rinoronkwa Epænetus, ne ne tyotyeronhton yohyondaonh netho Asia jinonka ne Christ.

6 Deyetshinonweron ne Mary neh ne ehso waontkaweh kayoh-tensera nonkyonnhakeh.

7 Deyetshinonweron Andronicus neony Junias, ongwadadenongweh, neony skahne yakwanaskwa, neh ne ehnekon thonatdahton raodinonrakon ne Apostles, neony rononha thonatyeronhton Keristus-ne niyadre jinihniyoht.

8 Detshenonweron Amplias neh ne rinoronkwa ne Royanerneh.

9 Detshenonweron Urbane, shongwayenawahse ne Keristus-ne. Neony Stachys neh rinoronkwa.

10 Detshenonweron Apelles, karihwanihraton raonhatserahkon ne Christ.

11 Detshenonweron Herodian, onkyadadenongweh. Deyetshinonweron ne racnonhsakon ne Narcissus, nene Royanerne ronadatenronh.

12 Deyetshinonweron Tryphena neony Tryphosa, ne Royanerne rodiyoh-teh. Detshenonweron Persis neh ne dekanoron, neh ne royohtonh ne Royanerne.

13 Detshenonweron Rufus, ne karakwen Royanerne; neony ne ronistenha nok ony niih.

14 Deyetshinonweron Asyncritus, Phlegon, Hermas, Patrobas, Hermas, neony ne adadekenseralh ne skahne ronadatenron.

15 Detshenonweron Philologus, neony Julia Nereus, neony ne yadonnohsenha, neony Olympas, neony wagwekon ne rodiyadadokenty ne skahnə ronadatenron.

16 Dessewadadenonweron kayadadokentitserahkon dense wadatkwanyon. Agwekon ne raonsadokentiokon ne Christ watyetshinonweron ne jonha.

17 Nonwa wagwarihwanon-tonseh, dewadadekonokonha, yetshiyatonnikonraronh ne radityohkohwihhons neony kanhitseraokon yothaharakwen jiniyoht ne karikhonnyonnyatsera ne sewaweyendehdahon; neony kajadon-ne ne rononhahke.

18 Iken ne eh nihadiyadohton yahdehonyohtenseh ne Shongwayaner Jesus Christ, ne ok ne yadehhadiyahty radinekwendakei; neony onhhontste kawennyhyohs neony yoraseh adatyatseraokon enhshakodinikohrhahaten ne niyakonikonra.

19 Iken ne jadewonnarakwatsera yahhonwe jinonka ne ok yeyongwedagwehkon wahkadonhahron kady ne iseh sewarihwahke: nok neh dewakadonwenjony naejatdokhageh jinonka ne jiyoyahnere, neony yah othenon thaesewarihwayendake ne neh aorihwake ne wahhetkoh.

20 Neony ne Niyoh ne skennonh enhodakwaraseh ne Satan sewahsihdokonh yosnoreh. Ne raotenrat Shongwayaner Jesus Christ sewakwekonhak ne jonka.

21 Timotheus ne skahne yon-

keniyohtonhs wadetshise wanonweron ne jonha, neony Lucius, neony jason, neony Sosipater onkwadadenonkwewh.

22 Iih Tertius wakyah-ton kenikonh kahyadonkwa, watkwanonhwerahton ne Royanerne.

33 Gaius ne neh dehhaksnyeh neony ne wagwekonhne atkon-nissaatsera watyetshinonweron ne jonka. Erastus ne shakoderihwatsterisdahse ne kanahdakonh wadetshisewandohweratonh ne jonha, neony Quartus onkwadekonhah.

24 Ne raotenrat Shongwayaner Jesus Christ sewagwekonhak ne jonha. Amen.

25 Nonwa ne raonhageh ne rokwenyon nentshisewayahdah-niradeh ne jonha tyoyanenha ne akerihwadokenty neony ji waderihwanoteh ne Yesus Keristus, tyoyanenha ji yoderihhodahsyon ne yoderihwasehton, nene yah dewatroy ji wathawinontyeh ne jiniyenhenweh.

26 Nohnonwa nen ok kennonwe thiyotonh, neony tyoyendahkwen ne kahyadonserahdokentike ne yehhadihrawakens, tyoyanenha ne raorihwadatsera ne jiniyenkenwe Niyoh. agwekon ne rononwenjadenyon rodidokenseh jinonka nadewennarakwatsera ne dewehdahgwen:

27 Ne raonhake ne neok yehkon kahnikonhrowanentsera Niyoh raorihhonnyat Jesus Christ: raonhakeh kenhak nonwesentsera jiniyenhenweh. Amen.